

中汨如也諸生入學補增廩弁節儀之餽不問多
少有貧乏者峻却之丁祭舊例宰牲後即將各牲
肚雜分入私庖先烹食之恐暑天作氣耳陳獨懸
之廳事楣間臨祭仍密置各牲下祭畢收之此一
事予深敬焉督學范公臨郡凡事與同僚相形共
歐辱之即日入告致仕問其故止言年老病作絕
不言歐辱事涕泣不已范公憐其誠准之歸考畢
還州急治裝知州查其員下猶未支齋膳學糧銀
若干新入學補廩例有束脩銀若干又措處餞贐
若干諸不肯待乃戒閹者遲開城門蓋留之也不

意其侵晨突出西門竟去去後仍追各項銀總若
干移文差人賫送原籍止收員下未支廩米齋膳
夫正銀餘外分毫不受亦告本縣回文付原差人
帶還問其家僅足朝夕耳矣吁人嘗言氣化日滴
今無古人若陳君者今人中恐不多得將謂之古
人非邪

程瓊休寧人寓吾州北門外開舖賣飯招宿畜馬騾
送行然其人雖居市井而輕財重義有歸安宗定
者携銀百兩來州買絲絲未出復歸飯於程舖就
雇其馬下梅溪置其銀於布囊懸之鞍上不意中